



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Specvlvm Magnvm Episcoporum, Canonicorum, Sacerdotvm Et aliorum Clericorum omnium tam Secularium quam Religiosorum**

**Tympe, Matthäus**

**[Köln], 1614**

2. Adulationem & Adulatores fugere.

[urn:nbn:de:hbz:466:1-51447](https://nbn-resolving.org/urn:nbn:de:hbz:466:1-51447)

hebdomadæ sanctæ instituat publicæ 40. horarum supplicatio in templo, quo tota ciuitas statutis horis per parœcias distributa conueniat. Proximis quoque ante cineres dieb. bacchanalibus, quibus multiliberiori vitæ habenas laxant, iam sancta inducta est consuetudo multis in locis celebrandi solum pompa eodem modo 40. horarum oratio ē adhibitis breuiusculis sermonibus musicoque concentu ad auertendos ciuium animos ab indecoris spectaculis & in Christiano officio continendos. 5. Carolus Borromeus tolebat per eos dies in diuersis parœciis sanctiss. Eucharistiæ communionem cum solenni apparatu magnoque fructu suarum ouium ministrare.

## SIGNVM II.

*Clerici boni signum est Adulationem & Adulatores fugere.*

**B**onus Clericus omnes adulatores procul à se repellit, & si quando laudum suarum præconia audire cogitur ad minimum tristitia vultus ostendit sibi ea displicere, & ipsum et adulationis vitium studiosissime cauet.

1. Pet. 2. v.  
25.

Matt. 22.  
v. 16. ca. 12.  
v. 39.

1. Christus pastor & Episcopus animarum nostrarum cum à Scribis & Phariseis eorumque discipulis per adulationem laudaretur, durius semper eis respondit quam cum impeteretur maledictis. Cum dicerent, *Magister, &c.* Respondit, *Hypocrite, &c.* Et cum miraculorum patra-

patratorem eum agnoscerent signumque ab eo peterent: *Generatio (inquit) mala &c.* At cum Iudei illi per summam contumeliam obiicerent, *Ioan. 8 v. 40.* Samaritanus es, &c. mansuete respondit.

2. S. Paulus Apostolus ait: *ita loquimur, non quasi hominibus placentes, sed Deo qui probat corda nostra.* Neque enim aliquando fuimus in sermone adulationis sicut scitis: neque in occasione auaritia, Deus testis est: nec quarentes ab hominibus gloriam, &c. Et si hominibus placerem Christi seruus non essem. *1. Thef. 2. v. 4. Gal 1. v. 11*

3. In Concilio Carthaginensi I V. cui D. Augustinus interfuit decretum est vt Clericus qui adulationibus vacare deprehenditur ab officio degradetur ca. 56. c. Clericus qui dist. 46. idem August. ait: *Magis optabo à quolibet reprehendi, quam ab adulante laudari.* Nullus enim reprehensor formidandus est amator veritatis. Laudator vero errat & confirmat errorem. *2. de Trin.*

4. S. Hieronymus Rustico monacho viuendi formam præscribens, ait: *Ne credas laudatoribus tuis imo irrisoribus aurem ne libenter accommodes, qui cum te adulationibus fouerint & quodammodo impotentis effecerint, si subito respexeris, aut ciconiarum deprehendes post te colla curuari, aut manu auriculas agitari asini, aut estuantem canis protendi linguam.* *Tom. 1. epi. 4. c. 8. V. ep. 14.*

5. Hormisdas Papa: *Quæ (inquit) est ista iustitie inimica bonitas, palpare criminosos, & vulnera eorum vsque in diem iudicij incuruentia seruare?* *c. si quis diac. di. 50. V. locum de concion. Num. 22.*

6. Etiam Balaam Propheta mercede à Moabitarum Rege conductus vt iret & Israeliticam gentem maledictis configeret, tum vbi ad locum ventum est, precio corrupti non

non potuit, sed spreto terreno Rege ad cœlestis dominatoris loquutus est voluntatem.

## SIGNVM III.

*Aegros blande inuisere & benigne tractare,  
seu pietatis studia erga morbos  
exercere.*

*Manual. li. I.  
c. 5.*

**P**acomius Abbas fratribus morbo implicatis assedit, non dedignatus ministri operam, ut obsequium præstaret domino iubentiac dicenti; *Qui maior est vestrum fiat sicut minor.*

2. De officiis charitatis quæ S. Bernardinus tempore pestis exhibuit ægris V. in Triumpho virtutum locum de charitate proximi. Et quoniã pestilentia nullus morbus est formidabilior, cõtagiosior, crudelior, (hic enim paucorum mensium interuallo ciuibus vrbes viduare solet, ingentesq; solitudines inducere. Atque adeo duo sunt quæ eum præ cæteris morbis horrendum terribilemque efficiunt, vnum quod summa velocitate venenum suum ad cor vsque diffundit, & hominem paulo ante sanum pene in momento tẽporis extinguit: alterum, quod cum vnum interficit centum alios inficit, & longe lateque tam celeriter serpit, ut si hodie domum vnã inuasit, breuitotam ciuitatem cadaueribus repleat) Ob hanc, inquam, causam non solum de officiis charitatis quæ maiores nostri peste infectis impederunt, sed de causis etiã maiestatem diuinam ad homines peste puniendos impellentibus